

- und nâch der wârheit erkant.
 westerhalben ist daz lant
 mit einem mer beslozzen.
130. dâ mit ist ez begozzen.
 daz mer ist noch genant alsus
Oceanus indicus,
 als ez biz her an dise frist
 noch von der schrift genennet ist.
135. ein insel heizet *Probané*.
 diu lit in dem selben sê.
 diu ist von zehen steten guot
 rîch und wol mit wer behuot.
 dâ ist nâch wunderlicher gir
140. sumer in dem jâre zwir
 ân winter. dâ von zaller zît
 daz lant in grüener varwe lit.
 ez grüenet als der grüene klê.
Agyrá und *Agyré*,
145. die zwò grôzen inseln rîch,
 die ligent ouch dâ wunniklîch.
 si sint nâch alles wunshes kraft
 ze allen zîten berehaft,
 dâ naht und tag und alle frist
150. daz lant ungebûwen grüen ist,
 und der erden blüende frucht
 mit grôzer rîlicher genubt
 gebernt die insel alliu zil.
 goldes unde silbers vil,
155. des ist mit grôzer rîcheit dâ,
 vil mêr, dann iender anderswâ.
 Daz sint diu lant in *Ejulat*.
Bedellium ouch dar inne stât,

128. westerhalb. 133. an die. 134. mit der. 135. die haist. 140. jar.
 141. vnd winter zwir davon ze aller zeit. 148. berhaft. 149. da selb. 151. der
 selben erden plûnden. 154. vnd. 156. indert. 157 lant daz da hat. 158. edlew
 lant.